
ВИЛОЯТ ҲОКИМИ ЁЗЁВОНДАГИ КИЧИК САНОАТ ЗОНАЛАРИДАГИ КОРХОНАЛАРНИ ИШГА ТУШИРИШНИ ТЕЗЛАШТИРИШ БЎЙИЧА ТОПШИРИҚ БЕРДИ

Вилоят ҳокими Хайрулло Бозоров Ёзёвон туманидаги ўрганишлар жараёнида туман прокурори сектори ҳудудидаги "Гулистон-1" кичик саноат зонасида ҳам бўлди.

Ушбу КЧЗга жойлаштирилган 15 та лойиҳанинг умумий қиймати 182,1 млрд. сўм бўлиб, улар 4,5 гектар майдонни эгаллаган. Барча лойиҳалар тўлиқ фойдаланишга топширилса, 400 тага яқин янги иш ўринлари яратилади. Вилоят ҳокими лойиҳалар билан танишиб, корхоналарнинг иш бошлаши янги иш ўринлари ташкил этиш ва аҳоли бандлигини оширишда муҳим омил эканини таъкидлади. 4 та сектор ҳудудидаги мавжуд кичик саноат зоналарида 2021 йилнинг ўтган даври мобайнида ҳали ҳануз бирор корхона фойдаланишга топширилмаганини кескин танқид қилган вилоят раҳбари, барча секторлар раҳбарларига кичик саноат зоналаридаги корхоналарни ишга туширишни тезлаштириш бўйича топшириқ берди.

Шу ерда тадбиркор Рустам Ҳамроқулов бир муҳим ташаббусни илгари сурди. У 100 минг туп наматак етиштириб, 10 гектар майдонда наматак плантациясини барпо этиш режасини айтди. Шунингдек, фермерлар ҳам дала четларига наматак экса, ундан яхши даромад олиш ва экспорт қилиш мумкинлигини қайд этиб, наматак етиштириш самарадорлигини рақамлар билан тақдим этди. Вилоят ҳокими бу таклифни қўллаб-қувватлади ва туман раҳбарларига тадбиркорга амалий кўмак бериш юзасидан кўрсатма берди.

[Бизни ижтимоий тармоқларда кузатинг Facebook,](#)

2021-12-01 19:55:23